BAB
KETIGA
BAB KETIGA

NABI NUH A.S. DAN KAUMNYA

3.1 NASAB NABI NUH (A.S)

Nuh bin Lamak bin Matusyalakh bin Khanukh atau Idris (a.s) bin Yarad bin Muhlayl bin Qinan bin Syith bin Adam (a.s).1

3.1.1 Nasab Nuh Dari Pihak Ibu

Ibu Nabi Nuh adalah Batanus binti Barakil bin Mihwayl bin Khanukh bin Qin bin Adam (a.s).2

3.1.2 Isteri Nuh (a.s)

Isteri Nuh a.s adalah ‘Umzarah binti Barakil bin

---


Mihwayl bin Khanukh atau Idris (a.s).³

3.2 KELAHIRAN NUH (A.S)

Nuh (a.s) dilahirkan seratus dua puluh enam tahun setelah Adam (a.s) meninggal dunia atau pada tahun seribu lima puluh enam setelah Adam dijadikan.⁴

Kemudian Nuh (a.s) meninggal dunia pada tahun dua ribu enam (2006) setelah Adam (a.s) dijadikan atau seribu tujuh puluh enam tahun setelah Adam (a.s) wafat. Ini bermakna nabi Nuh (a.s) hidup selama sembilan ratus lima puluh tahun.

Hal ini berdasarkan pernyataan daripada Allah (s.w.t) sendiri di dalam Al-Qur'an. Firman Allah (s.w.t):

 ولقد أرسلنا نوحًا إلى قومه فلبث فيهم ألف سنة إلا خمسين عامًا


Maksudnya:
"Dan Kami telah mengutus Nuh kepada kaumnya, maka ia tinggal bersama mereka seribu tahun kurang lima puluh tahun"\(^5\)

3.3 AKHLAK NABI NUH\(^i\)(A.S)

Akhlak merupakan cermin diri seseorang, ia boleh menjadi kauy ukur terhadap penghayatan agama seseorang, kerana akhlak adalah hasil dari penghayatan serta pengamalan dari ajaran agama. Islam adalah agama yang sangat menekankan terhadap pemeluknya supaya berakhlak yang mulia dan akhlak al-karimah (akhlak yang mulia). Ini akan terwujud jika akidah Islamiyah itu dapat dihayati dengan sempurna. Tidaklah berlebihan apabila dikatakan bahawa akhlak merupakan asas atau inti ajaran Islam.\(^6\)

Rasulullah (s.a.w) sendiri menegaskan bahawa Baginda diutus ke dunia hanyalah untuk menyempurnakan akhlak.

Sabda Rasulullah (s.a.w) diriwayatkan oleh Abu Hurayrah r.a:

\[\text{بعدت لأئم حسن الأخلاق} \]


Maksudnya:

"Aku diutus untuk menyempurnakan akhlak yang baik (mulia)".

Dalam sabdanya yang lain Rasulullah s.a.w menegaskan bahawa seorang mukmin itu akan lebih mulia dari orang mukmin yang lainnya kerana akhlaknya.

آكل المؤمنين إئانا أحسنهم خلقاً

Maksudnya:

"Orang-orang beriman yang paling sempurna imannya adalah mereka yang paling baik akhlaknya".

Sedangkan akhlak para nabi dan rasul itu tercermin dari risalah dan syariat yang mereka bawa. Allah (s.w.t) mengutus mereka untuk menjadi tauladan kepada manusia. Ini merupakan hikmah diutuskan mereka.

---


Firman Allah Ta'ala:

"Sesungguhnya telah ada pada (diri) Rasulullah itu suri teladan yang baik bagimu (iaitu) bagi orang yang mengharap (rahmat) Allah dan (kedatangan) hari kiamat dan dia banyak menyebut Allah".\(^9\)

Selanjutnya, Allah juga berfirman:

وإنك لعلى خلق عظيم

Maksudnya:

"Dan sesungguhnya kamu benar-benar berbudi pekerti yang agung".\(^10\)

Di antara sifat terpuji nabi Nuh (a.s) adalah sebagai yang berikut:

---

a. Sabar dan Tabah

Nabi Nuh (a.s) di dalam menyampaikan dakwahnya mendapat tantangan dan cabaran daripada kaumnya, bahkan isteri Baginda sendiri mengatakan bahawa ia sudah gila. Berbagai macam seksaan, ejekan juga tohmanan dilemparkan kepadanya. Namun baginda tetap bersabar dan tabah dalam menyampaikan dakwahnya selama hampir 1000 tahun. Walau apapun rintangan yang menjadi penghalang baginya, namun tidak pernah menyebabkan Baginda jemu dalam menyampaikan kebenaran. Berbagai cara yang dilakukan oleh kaum musyrikin untuk mematahkan semangat juang baginda di dalam berdakwah, akan tetapi usaha mereka sia-sia, bahkan bertambah tebal iman, kesabaran dan kegigihannya. Kisah Baginda diabadikan di dalam Al-Qur'an yang disebutkan sebanyak empat puluh tiga kali pada berbagai ayat dan surah.\textsuperscript{11}

Apa tah lagi satu surah daripada Al-Qur'an dinamakan dengan namanya.

b. Lemah Lembut

Di antara sifatnya yang mulia adalah berlemah lembut terhadap orang lain. Kaumnya yang sentiasa berlaku kasar

\textsuperscript{11}Muhammad Ismā'il Ibrāhim (1981), \textit{op.cit.}, hlm. 38.
terhadapnya tidak pernah Baginda membalasnya dengan kekasaran. Hal ini terbukti pada waktu Baginda menyeru kaumnya. Meskipun Nuh a.s. sentiasa mendapat penghinaan dan seksaan, namun perbuatan kaumnya tersebut tidak mengubah sikapnya malah Nabi Nuh a.s memanggil kaumnya dengan perkataan yang lembut seperti: (مَا أَقُوم) yang bererti "Hai Kaumku".

c. Suka Memberi Maaf

Walau apapun kesalahan yang dilakukan kaumnya terhadap dirinya, baginda tetap memaafkannya.

Sifat suka memberi maaf Nabi Nuh (a.s) ini dapat dibuktikan melalui satu riwayat yang diriwayatkan oleh Ibn 'Abbas (r.a). Pada suatu ketika saat Nabi Nuh a.s. sedang berdakwah Baginda dipukul oleh kaumnya sehingga pingsan, lalu mereka melemparkan jasadnya ke suatu tempat, Nabi Nuh (a.s) masih tidak sedarkan diri, akhirnya kaumnya membawa tubuh baginda dan dicampakkan ke dalam rumahnya, kerana disangka baginda telah meninggal dunia. Namun dengan izin Allah Baginda sihat semula. Dan keesokkan harinya baginda kembali menemui kaumnya untuk berdakwah sebagaimana biasa, bukan untuk membalas dendam, malah baginda berdo'a, "Ya Allah ampunilah segala

---

kesalahan kaumku sesungguhnya mereka tidak mengetahui.\textsuperscript{13}

d. Tawaduk (rendah diri)

Allah telah memilih nabi Nuh (a.s) untuk menjadi seorang nabi, bahkan seorang rasul yang pertama diutus. Namun Baginda tidak pernah merasa lebih daripada kaumnya, bahkan Baginda sendiri mengaku bahawa dirinya adalah hanya manusia biasa.\textsuperscript{14} Baginda berkata kepada kaumnya:

أوعجتم أن حاءكم ذكر من ربك على رجل منكم لينذر كم ولتنقوا ولعلكم ترحمون

Maksudnya:

"Dan apakah kamu (tidak percaya) dan hairan bahawa datang kepada kamu peringatan dari Tuhanmu dengan perantaraan seorang laki-laki dari golonganmu, agar dia memberi peringatan kepadamu dan mudah-mudahan kamu bertagwa dan supaya kamu mendapat rahmat."\textsuperscript{15}

e. Komitmen/istiqamah/iltizam

Sebagai seorang rasul, baginda tidak pernah goyah dalam menyampaikan misi dakwahnya. Meskipun kaum

\textsuperscript{13}\textit{Ibid.}, hlm. 68.

\textsuperscript{14}\textit{Ibid.}, hlm. 72.

\textsuperscript{15}Q.S. al-'Arif 7, ayat: 63.
musyrikin menggodanya bahkan memberikan tawaran-tawaran yang bersifat keduniaan. Namun baginda tidak menghiraukannya, malah baginda berpuas hati dengan segala nikmat yang telah Allah kurniakan kepadanya. Baginda juga sentiasa bersyukur kerana dengan nikmatnya dapat melaksanakan dakwah. Allah mensifatkan Nabi Nuh (a.s) sebagai seorang hamba yang banyak bersyukur. Firman Allah:

إنه كان عبدا شكورا

Maksudnya:

"...Sesungguhnya dia adalah hamba (Allah) yang banyak bersyukur"\(^{16}\)

3.4 PUTRA-PUTRA NABI NUH (A.S)

Menurut keterangan yang bersumber dari hadis-hadis Rasulullah s.a.w dan kitab-kitab sejarah didapati bahawa nabi Nuh (a.s) mempunyai beberapa anak iaitu: Sam, Yafaz, Ham, Yam (Kan`an) dan `Abir.\(^{17}\)

Sam dianggap sebagai bapak kepada orang Arab. Yafaz dianggap sebagai bapak kepada orang Rom, sementara Ham sebagai bapak kepada orang Habasyah.\(^{18}\)

\(^{16}\)Q.S.al-Isra', ayat: 3.

\(^{17}\)Ibn Kathir, (1983), \textit{Qasas al-Anbiya}', Beirut, Dar al-Fikr, hal. 96.

\(^{18}\)Al-Imam Ahmad bin Hambal (t.t), \textit{Musnad Imam Ahmad}, Beirut, al-Maktabah al-Islami, Jil. 5, hlm. 11.
Ketiga-tiga anaknya ini disebutkan di dalam hadis Rasulullah (s.a.w) yang berbunyi:

عن سمرة أَن رَسُولَ الله صلى الله عليه وسلم قال: سام أبو العرب ويافـى أبو الروم وحام أبو الجيش

Maksudnya:

"Dari Samurah bahawasanya Rasulullah (s.a.w) bersabda: Sam bapa kepada orang-orang Arab, Yafaz bapa kepada orang-orang Rom dan Ham bapa kepada orang-orang Habasyah"  

Sedangkan anaknya Yam atau Kan`an tenggelam dalam lautan bersama orang-orang yang ingkar, sementara `Abir telah meninggal dunia sebelum terjadinya peristiwa taufan.  

3.5 NUH (A.S) RASUL PERTAMA

Nabi Nuh (a.s) adalah nabi kedua setelah Adam (a.s), sementara nabi yang pertama adalah Idris (a.s). Baginda juga adalah merupakan rasul pertama yang diutus Allah kepada penduduk dunia.  

---

19 *Ibid*, hlm. 11.

20 Ibn Kathir, (t.t), *op.cit.*, hlm. 104.

berpaling menyembah patung-patung dan melakukan kezaliman serta kekufruan. Allah menyebutkan nama-nama patung yang disembah oleh kaumnya.

Firman Allah:

وقالوا لا تذرن آللهتكم ولا تذرن ودا ولا سواعا ولا يغوث وعوروق ونسرو(۳۲)وقد أضلوا كثيرا ولا تزد الظلمين إلا ضلالا

Maksudnya:

"Dan mereka berkata: Jangan sekali-kali kamu meninggalkan (penyembahan) tuhan-tuhan kamu dan jangan pula sekali-kali kamu meninggalkan (penyembahan) wadd, dan jangan pula suwa', yaghuth, ya' uq dan nasr. Dan sesungguhnya mereka telah menyesatkan kebanyakan manusia; dan janganlah Engaku tambahkan bagi orang-orang yang zalim itu selain kesesatan"

Kemudian Allah memerintahkan kepada nabi Nuh (a.s) untuk memberikan peringatan tentang seksa Allah sebagai akibat dari perbuatan mereka. Dengan demikian Nabi Nuh

---

\[Q.S. \text{Nuh 71, ayat: 23-24.}\]
(a.s) adalah nabi pertama yang menerima perintah memberikan peringatan.

Firman Allah:

"...إنا أرسلنا نوحًا إلى قومه أن أنذر قومك من قبل أن يأتيهم عذاب أليم..."

Maksudnya:

"Sesungguhnya Kami telah mengutus Nuh kepada kaumnya (dengan memerintahkan): Berilah kaummu peringatan sebelum datang kepadanya azab yang pedih".

Dalam hadis yang diriwayatkan oleh Abu Hurayrah (r.a) dinyatakan bahawa Nuh adalah rasul pertama yang diutus iaitu hadis tentang syafa'at:

اذهبوا إلى نوح فأتون نوحًا فقولون يا نوح انت أول الرسل إلى الأرض وسماك الله عبدا شكرًا

Maksudnya:

"Pergilah kamu kepada Nuh. Kemudian mereka datang kepada Nuh dan berkata: Wahai nabi Nuh, engkau adalah rasul yang pertama bagi umat manusia di dunia, Allah menamamakanmu sebagai orang yang sangat bersyukur".

---


24 Abu al-Husayn Muslim bin al-Hajjaj al-Qusyairi (1987), Sahih Muslim, (cet.1), Beirut, Muassasah Izzuddin, Jilid I, hlm. 236.
Sebahagian ulama mentakwil hadis ini dengan mengatakan bahawa Nuh (a.s) adalah rasul pertama yang datang selepas Adam (a.s) dan Idris (a.s)\textsuperscript{25}

Nuh (a.s) ketika diutus menjadi rasul berumur 50 tahun, sebagaimana yang ditegaskan oleh Ibn 'Abbas.\textsuperscript{26} Walaupun ada sebahagian riwayat yang mengatakan semasa Nuh diutus umur beliau 350 tahun, dan riwayat yang lain 480 tahun. Namun demikian, penulis lebih cenderung mengambil riwayat yang bersumber daripada Ibn Abbas, kerana riwayat Ibn Abbas lebih masyhur di kalangan para ulamak.

3.6 MUKJIZAT NABI NUH (A.S)

Mukjizat adalah suatu faktor yang penting dalam hubungannya dengan kenabian dan kerasulan. Ini disebabkan Allah (s.w.t) memperkuat setiap nabi dan rasulNya dengan bukti-bukti yang jelas untuk menunjukkan bahawa mereka adalah para utusan Allah. Kenyataan tersebut telah diterangkan Allah dalam firman-Nya:

\textsuperscript{25}Abd al-Wahhab al-Najjar, (1966), \textit{op.cit}, hlm. 30.


85
لقد أرسلنا رسالنا بالبينات

Maksudnya:

"Sesungguhnya Kami telah mengutus rasul-rasul Kami dengan membawa bukti-bukti yang nyata".

Dalam sebuah hadis yang diriwayatkan oleh Imam Muslim bahawa Rasulullah (s.a.w) bersabda:

ما من الأنبياء من نبي إلا قد أعطى من الآيات ما مثله آمن عليه البشر

Maksudnya:

"Tidak ada seorang pun nabi dari kalangan nabi-nabi Allah, melainkan mereka dikurniakan dengan mukjizat sebagai bukti dan yang seumpamanya untuk diimani oleh seluruh umat manusia".

Justeru itu, perkara yang melibatkan mukjizat tidak dapat dipisahkan dari seorang nabi atau rasul. Kerana tanpa mukjizat yang boleh meyakinkan tentunya kedudukan mereka sebagai nabi dan rasul akan dipertikaikan oleh manusia yang mendegar seruan mereka.


3.6.1 Pengertian Mukjizat

a. Dari Sudut Bahasa

Perkataan 'makjizat' itu berasal dari kata عجز - يعجز - أعجز (). Al-'Ajz (العجز) bererti ketidakmampuan lawan kepada perkataan al-Hazm, (الحزم) yang bererti keteguhan. Kerana menurut al-Layth, mukjizat tersebut melemahkan seseorang untuk melakukannya atau dikenal dengan istilah 'Adam al-Qudrah (المقدرة) maksudnya tak kuasa atau lemah. Akan tetapi ketidakmampuan ini tidak melibatkan Allah kerana semua makhluk tertakluk di dalam kekuasaan Nya. Sebagaimana yang disebutkan dalam firman Allah:

وأما أنتم بمعجزة في الأرض ولا في السماء وما لكم من دون الله من ولي ولا نصير


Maksudnya:

"Dan kamu sekali-kali tidak dapat melepaskan diri (dari azab Allah) di bumi dan tidak pula di langit dan sekali-kali tiadalah bagimu pelindung dan penolong selain Allah"\(^{31}\)

Dalam firman-Nya yang lain:

وأنا ظننا أن لن نعجز الله في الأرض ولن نعجزه هربا

Maksudnya:

"Dan sesungguhnya kami mengetahui bahawa Kami sekali-kali tidak dapat melepaskan diri (dari kekuasaan) Allah di muka bumi dan sekali-kali tidak (pula) dapat melepaskan diri (daripada) Nya dengan lari"\(^{32}\)

b. Dari Sudut Istilah

Mukjizat bermaksud perkara luar biasa yang menyalahi adat kebiasaan, berlaku kepada orang yang mengaku menjadi nabi dan ianya menjadi bukti kebenaran kenabiaannya.\(^{33}\)

---

\(^{31}\)Q.S. al-`Ankabūt, 29: 22.

\(^{32}\)Q.S. al-Jin, 72: 12.

Seterusnya penulis akan membentangkan beberapa contoh mukjizat yang telah dikurniakan Allah kepada rasulnya Nuh (a.s), antaranya adalah:

a. Pembuatan Kapal

Kapal yang dinaiki nabi Nuh (a.s) pada waktu terjadi taufan sebagai mukjizat baginya. Banjir yang melanda kaumnya menyebabkan tidak ada seorang pun yang terselamat melainkan hanya beberapa orang sahaja iaitu mereka yang beriman kepada Nuh (s.a). Bagindalah orang yang pertama membuat kapal berdasarkan wahyu dari Allah.\textsuperscript{34} Sebagaimana yang disebutkan dalam firman Allah:

\begin{quote}
\textit{وَأَوَّلَهُ إِلَى نُوحَ أَنْ يُؤْمِنْ مِنْ قُوَّمِنَ إِلَّا مِنْ قَدْ آمَنُ فَلا تَبَيَّنَ بِمَا كَانُوا يَفْعَلُونَ وَأَسْمَعَ الْفَلَكَ بَأَعِينَةٍ وَوَحِينَ}
\end{quote}

\textsuperscript{34}Al-Imam Muhammad Abu Zuhrah, (t.t), \textit{op.cit.}, hlm. 361.
Maksudnya:

"Dan diwahyukan kepada Nuh, bahawasanya sekali-kali tidak akan beriman di antara kauumu, kecuali orang yang telah beriman (sahaja), kerana itu janganlah kamu bersedih hati tentang apa yang selalu mereka kerjakan. "Dan buatlah bahtera itu dengan pengawasan dan petunjuk wahyu Kami, dan janganlah kamu bicarakan dengan Aku tentang orang-orang yang zalim itu; sesungguhnya mereka itu akan ditenggelamkan".  

b. Umur yang panjang.

Nabi Nuh a.s. hidup bersama kaumnya hampir seribu tahun lamanya. Tidak ada seorang nabi pun yang menyamai umurnya. Inilah mukjizat yang dikurniakan Allah kepadanya.

Firman Allah:

َوَأَرْسَلْنَا نُوحًا إِلَى قَوْمِهِ فَلَبِثَ فِيهِمْ أَلْفَ سَابِعةً إِلَى حَمْسِينَ

عامًا فَأَخَذَهُمُ الْطُوفَانُ وَهُمْ ظَالِمُونَ

35Q.S. Hud, 11, ayat: 36-37.
36Al-Tha'labi, (t.t), op.cit., hlm. 52.
Maksudnya:

"Dan sesungguhnya Kami telah mengutus Nuh kepada kaumnya, maka ia tinggal di antara mereka seribu tahun kurang lima puluh tahun. Maka mereka ditimpa banjir besar dan mereka adalah orang-orang yang zalim".37

Ali Fikri menyebutkan dalam bukunya bahawa meskipun Nuh (a.s) hidup dalam masa yang lama, namun tidak ada tanda kelemahan pada fizikalnya, bahkan menurut keterangan para ahli sejarah, tidak berkurang satupun gigi beliau hingga wafatnya.38

3.7 KAUM NUH DAN SESEMBAHAN MEREKA

Di dalam Al-Qur’an terdapat banyak ayat yang berkaitan dengan kisah Nabi Nuh (a.s) bersama dengan kaumnya. Ayat-ayat tersebut menjelaskan bahawa baginda diutus kepada kaumnya yang sudah menyeleweng dan berpaling menyekutukan Allah. Mereka menyembah berhala dan sesembahan lainnya selain daripada Allah. Al-Qur’an menyebut nama patung-patung yang disembah kaum Nuh (a.s) pada masa itu. Sebagaimana yang dikatakan oleh para pembesar kaumnya. Firman Allah:


38Ali Fikri, (t.t), Ahsan al-Qasas, Beirut, Dar al-Kutub al-Ilmiyah, Jilid 2, hlm. 15. Lihat juga: Al-Tha’labi, (t.t), op. cit., hlm. 52.
وَقَالُوا لَا تَذُرُّنَّ آلَ يَحْتَكُمْ وَلَا تَذُرُّنَّ وَدَا وَلَا سَوَاعًا وَلَا يُغَوَّتُ وَيُعُوقُ وَتَسَرُّ (٢٣) وَقَدْ أَصَلُّوا كَبِيرًا وَلَا تَزِدُ الظَّالِمِينَ إِلَّا ضَلَالًا

Maksudnya:

"Dan mereka berkata: jangan sekali-kali kamu meninggalkan (penyembahan) tuhan-tuhan kamu dan jangan pula sekali-kali kamu meninggalkan (penyembahan) wadd, dan jangan pula suwa', yaghuth, ya'q, dan nasr. Dan sesudahnya mereka telah menyesatkan kebanyakan (manusia) dan janganlah engkau tambahkan bagi mereka orang-orang yang zalim itu selain kesesatan".  

Kenyataan ayat ini menggambarkan bahawa para orang tua daripada kalangan kaum Nuh a.s. telah berwasiat kepada anak-anak mereka agar menyembah tuhan selain daripada Allah. Secara tidak langsung anak-anak dan generasi berikutnya telah mewarisi kekufuran daripada ibu bapa mereka.

Afif Tabbarah menjelaskan bahawa di samping itu mereka juga mempunyai sesembahan lain, sebagaimana yang diisyaratkan oleh ayat yang berbunyi: "ولَا تَذُرُّنَّ آلَ يَحْتَكُمْ " maksudnya: "Jangan sekali-kali kamu meninggalkan tuhan-tuhan kamu".

Di antara maksud daripada "tuhan-tuhan" di sini adalah bintang-bintang yang nampak di malam hari dan

menghilang di siang hari, sebagai saranan untuk mendekatkan diri pada tuhan-tuhan mereka.\(^{40}\)

Kaum Nuh (a.s) yang diberi nama Bani Rasib adalah umat yang pertama kali bertuhan selain daripada Allah. Itulah sebabnya Allah mengutus seorang utusan agar ia memberi peringatan kepada kaumnya.\(^{41}\)

**Firman Allah:**

\[
\text{إِنَّا أَرْسَلْنَا نُوحًا إِلَىٰ قُومِهِ أَنْ أَتِّهِمْ غَضَبًا وَأَنْذَرُوهُمْ مِنْ قَبْلِ أَنْ يَأْتَ Ih}(1) فَأَلَّهَ بَعْقَوْمِهِ إِلَىٰ كَلِمَةً نَذِيرٍ مَّيِّضٍ(2) أَنْ عَبْدُوا اللَّهَ وَآتَيْهِ مَاتَعٍّ وَأَطْبَعُونِي}(3)
\]

**Maksudnya:**

"Sesungguhnya Kami telah mengutus Nuh kepada kaumnya (dengan memerintahkan): "Berilah kaummu peringatan sebelum datang kepadanya azab yang pedih". Nuh berkata: "Hai kaumku, sesungguhnya aku adalah pemberi peringatan yang menjelaskan kepada kamu, (iaitu) sembahlah olehmu Allah, bertaqwalah kepada-Nya dan ta'atlah kepada-Nya".\(^{42}\)

\(^{40}\)Afif Abd al-Fattah Tabarah, (1985), *op.cit.*, hlm. 61.


\(^{42}\)Al-Qur'an, surah Nuh, 71: 1-3.
Sedangkan orang-orang yang hidup sebelum kaum Nuh (a.s) adalah umat yang berpegang teguh kepada agama tauhid. Oleh kerana itu, Allah tidak mengutus seorang Rasul yang bertugas memberi peringatan dan menakut-nakuti akan seksaan Allah. *Nabi Nuhlah rasul pertama yang diutus.*

Hal ini dapat dibuktikan dengan merujuk kepada firman Allah:

\[
\text{كان الناس أمة واحدة فبعث الله التيبين مبشرين ومذرمين}
\]

Maksudnya:

"Manusia itu adalah umat yang satu. (Setelah timbul perselisihan), maka Allah mengutus para Nabi, sebagai pemberi khabar gembira dan pemberi peringatan..."

Dalam mentafsirkan ayat tersebut, Ibn Abbas menyatakan bahawa:


can bin Adem dan wong bekhe'a dhawon kluhem a'Aalam


44 Q.S. al-Baqarah, 2: 213.
Maksudnya:

"Jarak antara Nabi Adam dan Nabi Nuh sepuh abad lamanya, kesemua mereka berpegang pada ajaran Islam" 45

3.8 SEJARAH PENYEMBAHAN BERHALA


Sedangkan asal mula penyelewengan berlaku bagi kaum Nuh disebabkan pemujaan yang terlalu berlebihan terhadap orang-orang salih di antara mereka. Seperti Wuddan, Suwa'an, Yaghutha, Ya'uqa dan Nasra. 46 Sebagaimana yang dicatatkan di dalam Al-Qur'an.

---


Firman Allah:

وَقُلْلَا نَذَرْنَا الْلَّهُكُمْ وَلَا نَذَرْنَا وَدًا وَلَا سَوَاعًا وَلَا يَغْوُث وَبِعَوْق وَنَسْرًا

Maksudnya:

"Dan mereka berkata: Jangan sekali-kali kamu meninggalkan (penyembahan) tuhan-tuhan kamu dan jangan pula sekali-kali kamu meninggalkan (penyembahan) wudd, dan jangan pula suwaa', yaghuth, ya'ug dan nasr"."47

Sehubungan dengan ayat di atas, Al-Zamakhshyari berkata:

"setelah kematian lima orang salih dari kaum Nuh ini, muncullah iblis yang menjelma menjadi salah seorang daripada kaum itu. Iblis menyeru supaya gambar kelima-lima orang salih tersebut dijadikan patung untuk mengingati mereka tidak untuk disembah. Namun dengan berlalu zaman yang panjang, generasi yang datang sudah jauh daripada pegangan keyakinan yang benar. Maka lambat laun patung-patung tersebut dijadikan sebagai sesembahan".48

47Q.S. Nuh (71): 23.

Menurut Al-Azmakhsyari lagi bahawa patung-patung itu berbeza antara satu dengan yang lain, seperti wuddan gambar patung seorang lelaki, suwa’a gambar patung seorang wanita, kemudian yaghuth patung seekor singa kemudian yaghuth patung seekor kuda sedangkan nasr gambar patung seekor burung.49

3.9 NABI NUH A.S TERMASUK ULU AL-`AZM

Perkataan al-`azm (الْعَزْمُ) berasal dari akar kata: (عَزَمُ يَعْزُمُ) yang membawa erti ke teguhan, komitmen dan sabar.50

Sedangkan pengertian ulu al-`azm adalah orang yang memiliki ke teguhan hati, komited dalam segala urusan serta mempunyai sifat kesabaran yang tinggi.

Allah berfirman dalam al-Qur'an:

فاضبر كما صبر أولوا العزم من الرسل

Maksudnya:

"Maka bersabarlah kamu seperti orang-orang yang mempunyai keteguhan hati dari kalangan Rasul-Rasul..."51

49Abu al-Qasim Jar Allah Mahmūd bin Umar al-Zamakhsyari, (t.t), Al-Kasysyaf, Beirut, Dar al-Alamiyah jilid 4 hlm. 164.


50Q.S. al-Ahqaf, 46: 35.
Terdapat perbezaan di kalangan sebahagian para ulama dalam menentukan bilangan Rasul yang termasuk dalam golongan *ulu al-'azm*. Perbezaan mereka itu berlaku berpunca dari pemahaman terhadap ayat.


 فاصبر كما صبر أولوا العزم من الرس

Pendapat pertama yang dipelopori oleh Ibn Zayd⁵¹ bahawa semua para rasul itu bergelar *ulu al-'azm*. Kerana menurut beliau perkataan (من) pada ayat yang tersebut di atas adalah menerangkan jenis, iaitu jenis para rasul (التجنس) dan bukannya menerangkan sebahagian (البعيض).

Pendapat yang kedua dikemukakan oleh al-Imam al-Suyuti,⁵² beliau mengatakan bahawa *ulu al-'azm* itu mencakup semua para Rasul kecuali nabi Adam (a.s) dan Nabi Yunus (a.s). Pendapat ini berdasarkan firman Allah,


ولقد عهدنا إلى آدم من قبل فنسي ولم نجد له عزما

---


⁵²Jalal al-Din al-Suyuti (t.t), *Tafsir al-Jalalayn*, Beirut, Dar al-Ma'rifah, hlm. 672.
Maksudnya:

"Dan sesungguhnya telah Kami perintahkan kepada Adam dahulu, maka ia lupa (akan perintah itu), dan tidak Kami dapatipadanya kemahuan yang kuat" \(^53\)

Dan firman Allah:

قَاعِدَ لِحُكْمِ رَبِّكَ وَلَا تَنْكَنَّ كَصَاحِبِ الْحُرُثِ إِذْ نَادَى

وَهُوَ مُكْفَتُ عِنْدَكَ

Maksudnya:

"Maka bersabarlah engkau (hai Muhammad) terhadap ketetapan Tuhanmu, dan janganlah kamu seperti orang (Yunus) yang berada dalam (perut) ikan ketika ia berdo'a sedang ia dalam keadaan marah (kepada kaumnya)" \(^54\)

Menurut penjelasan Imam al-Suyuti, \(^55\) tidak termasuknya Nabi Yunus (a.s) ke dalam golongan ulu al-\`azm oleh kerana Yunus (a.s) merasa jemu dalam menghadapi keangkuhan dan kedegilan kaumnya, lalu kemudian baginda meminta kepada Allah supaya segera diturunkan `azab kepada mereka. Allah memperingatkan baginda agar

\(^53\)Q.S. Taha, 20: 115.

\(^54\)Q.S. al-Qalam, 68: 48.

\(^55\)Jalal al-Din al-Suyuti, *op.cit.*, hlm. 672.
bersabar dan tidak tergesa-gesa minta diturunkan azab. Kerana kaumnya itu pasti akan menerima hukuman dari Allah (s.w.t).

Firman Allah (s.w.t):

ولا تستعجل شم...

Maksudnya:

"Dan janganlah kamu meminta disegerakan (azab) bagi mereka..."56

Pendapat yang ketiga yang bersumber dari Ibn `Abbas dan Qatadah,57 pendapat ini menegaskan bahawa tidak semua rasul mendapat gelaran ulu al-`Azm adapun dalil yang diambil pendapat ini adalah (من) pada surah al-Ahzaf ayat 35 itu bermaksud sebahagian (للبعض). Dalil yang kedua, firman Allah yang menegaskan bahawa hanya lima orang Rasul sahaja yang termasuk dalam kategori ulu al-`azm. Mereka itu adalah Nabi Muhammad (s.a.w), Nabi Nuh (a.s), Nabi Ibrâhim (a.s), Nabi Musa (a.s) dan Nabi Isa (a.s).

56Q.S. al-Ahzab (46): 35.
Firman Allah:

وإذ أخذنا من النبيين ميثاقهم ومنك ومن نوح وإبراهيم
وموسى وعيسى ابن مريم وأخذنا منهم ميثاقًا غليظاً

Maksudnya:

"Dan (ingatlah) ketika Kami mengambil perjanjian dari nabi-nabi dan dari kamu (sendiri), dari Nuh, Ibrahim, Musa, dan Isa putera Maryam, dan Kami telah mengambil dari mereka perjanjian yang teguh."\(^{58}\)

Dan firman-Nya lagi:

شرُعْ لَكُمُ ۖ مِنَ الدِّينِ مَا وَصِّيْتُ عِنْدَ هُوَ أَرْضَىٰ إِلَيْهَۚ
وَمَا وَصِّيْتُ عِنْدَ إِبْرَاهِيمَ وَمُوسَى وَعِيسَىُ

Maksudnya:

"Dia telah mensyari'atkan bagi kamu tentang agama apa yang telah diwasiatkan-Nya kepada Nuh dan apa yang telah Kami wahyukan kepadamu dan apa yang telah Kami wasiatkan kepada Ibrahim, Musa dan Isa ..."\(^{59}\)

---

\(^{58}\)Q.S. al-Ahzâb (33) ayat 7.

\(^{59}\)Q.S. al-Syurâ' (42) ayat 13.
Pendapat ini terut disokong oleh ulama' lain, seperti al-Baghawi,⁶⁰ begitu juga Ibn Abi al-'Izz.⁶¹

Dari beberapa pendapat yang telah dikemukakan di atas, penulis lebih cenderung kepada pendapat yang ketiga, oleh kerana pendapat ini paling masyhur di kalangan para ulama'. Kelima-lima Rasul yang disebutkan tadi memang di antara Rasul-rasul yang paling berat mendapat cabaran daripada kaum mereka serta adanya ayat yang menyebut kelima-lima Rasul tersebut secara terperinci.

3.10 PERISTIWA BANJIR PADA ZAMAN NABI NUH (A.S)

Apabila kita meneliti ayat-ayat Al-Qur'an yang menceritakan tentang banjir yang terjadi pada zaman nabi Nuh (a.s), kita dapat bahawa Al-Qur'an tidak menjelaskan tempat kejadian banjir tersebut. Adakah ia berlaku di suatu kawasan yang didiami nabi Nuh (a.s) bersama kaumnya sahaja ataukah ia berlaku di seluruh dunia?

⁶⁰Ibn Mas'ud al-Bakhawi, op.cit., hlm. 176.
Adapun laju tidak membincang atau membicarakannya masalah nabi Nuh (a.s) dan kaumnya. Meskipun demikian, pandangan orang-orang Kristian mengenai banjir itu dapat kita petik dari pada kitab perjanjian lama (Taurat), kerana Taurat adalah salah satu kitab suci dan sumber hukum bagi penganut agama Kristian. Namun demikian, setelah meneliti kitab Taurat kita dapat bahawa Taurat juga tidak memberikan penjelasan mengenai kejadian tersebut, meskipun ia telah menceritakan tentang kelahiran Nuh (a.s) dan peristiwa banjir yang terjadi pada zaman itu. 62

Oleh sebab itu, para ulama Islam dan pemimpin Kristian berbeza pendapat dalam menentukan tempat kejadian itu. Sebahagian berpendapat bahawa banjir itu berlaku di seluruh dunia, sementara yang lain berpendapat bahawa kejadian itu hanya berlaku di kawasan atau di tempat Nuh (a.s) hidup bersama kaumnya sahaja.

Untuk tujuan itu, di sini penulis membentangkan keterangan sebahagian ulama mengenai tempat kejadian banjir tersebut.

62 Al-Kitab al-Muqaddas, Sifr al-Takwin, al-Ashah keenam dan ketujuh dan kelapan, hlm. 11.
A. Penjelasan Imam Muhammad Abduh.


Menurutnya tempat kejadian banjir yang terjadi pada zaman Nuh (a.s) adalah di antara masalah yang dipertikaikan oleh para ahli agama, ahli geologi dan ahli sejarah. Dimana para pemimpin ahli kitab dan ulama Islam berpendapat bahawa banjir itu meliputi seluruh dunia. Pendapat mereka ini banyak disokong oleh para geologi.\textsuperscript{63}


\textsuperscript{63}Muhammad Abduh ḰAmārah (1993), Al-\textsuperscript{Amal} al-\textsuperscript{Kamilah Li al-Imam al-Syeikh Muhammad ḰAbduh,} Beirut, Dar al-Syuruq, jilid 3, hlm. 532.
Menurut pendapat Imam Muhammad Abduh bahawa keseluruhan banjir itu tidak boleh diingkari oleh seseorang muslim dengan beralasan bahawa ayat-ayat yang berkaitan dengan banjir itu boleh ditakwil. Bahkan setiap muslim tidak boleh mentakwil zahir ayat-ayat Al-Qur'an dan hadith-hadith sahih kecuali dengan adanya dalil-dalil yang jelas menunjukkan bahawa maksud ayat-ayat dan hadith-hadith itu tidak boleh diambil daripada zahirnya.64

B. Penjelasan Abd al-Wahhab al-Najjar


Sebahagian ulama cenderung menyatakan bahawa banjir yang terjadi pada zaman Nuh (a.s) meliputi seluruh dunia. Alasan mereka adalah berdasarkan pernyataan para ahli geologi yang berkata setiap kali kami mengadakan kajian

64Ibid, hlm. 532-533.
di atas gunung-ganang yang tinggi, kami menemui bangkai-bangkai binatang yang hanya hidup di dalam air. Hal ini menunjukkan bahawa air pernah sampai ke atas gunung-ganang tersebut, bahkan telah berkali-kali air sampai ke sana. Hal ini berdasarkan perbezaan umur bangkai-bangkai binatang yang kami temui itu. Maka tidak dapat dinafikan kemungkinan banjir yang terjadi pada zaman Nuh (a.s) adalah salah satu banjir yang menenggelami seluruh dunia.65

C. Penjelasan Ahmad Bahjat

Banjir itu meliputi seluruh dunia. Alasannya adalah bahawa Malaikat Jibril datang membawa wahyu dari Allah yang memerintahkan supaya dibawa bersama Nuh a.s di atas kapal beberapa pasang jenis haiwan dengan tujuan untuk mengekalkan jenis haiwan tersebut setelah banjir.66

Sekiranya banjir itu hanya meliputi sebahagian dunia sahaja, nescaya perintah membawa haiwan-haiwan itu tidak ada ertinya.67

65. Abd al-Wahhab al-Najjar (1966), Qasas al-Anbiya', Kahirah, Muassasah al-Halabi wa Syurakah, hal. 36.


67. Ibid, hlm. 55.
Pendapat kedua: Banjir yang terjadi pada zaman nabi Nuh (a.s) berlaku di kawasan yang didiami nabi Nuh (a.s) bersama kaumnya sahaja. Ini berdasarkan dakwaan orang-orang India yang menyatakan bahawa bangunan yang terdapat di negara mereka jauh lebih tua daripada kejadian banjir yang berlaku pada zaman Nuh (a.s) sebagaimana yang dinyatakan di dalam Taurat.68

Kemudian al-Najjar menyangkal pendapat di atas sebagai berikut:

"Kamu tahu bahawa saya tidak percaya kepada sejarah nabi Nuh (a.s) yang dinyatakan Taurat itu, kerana menurut pendapat saya, peristiwa zaman nabi Nuh (a.s) yang dinyatakan Taurat itu tidak benar, bahkan kejadian banjir itu lebih awal daripada bangunan yang didakwakan orang-orang India".69

D. Penjelasan Dr. `Afif Tabbarah


68`Abd al-Wahhāb al-Najjar, (1966), op.cit, hlm. 36.

69Ibid, hlm. 36.
Ditinjau daripada zahir ayat-ayat al-Qur'an dan hadis-hadis Rasulullah s.a.w dapat difahami bahawa banjir yang terjadi pada zaman nabi Nuh a.s tidak meliputi seluruh dunia, bahkan ia terjadi di kawasan tertentu yang didiami oleh nabi Nuh a.s dan kaumnya sahaja. ⁷⁰


⁷⁰Afif Abd al-Fattah Tabarah, (1985), op.cit), hlm. 73.

Semua ini menunjukkan bahawa pada masa lampau pernah terjadi banjir di kawasan itu.  

Berdasarkan kajian tersebut, Sir Leonardo berpendapat bahawa banjir yang terjadi pada zaman nabi Nuh (a.s) berlaku di pergunungan dan di padang pasir yang berdekatan dengan sungai Furat dan Dajlah (Tigris), bukan meliputi seluruh dunia.  

Dari keterangan-keterangan di atas dapat kita simpulkan bahawa para ahli fikir dan sejarah baik Islam mahupun Kristian tidak dapat mempastikan kawasan banjir yang terjadi pada zaman nabi Nuh (a.s). Sebab Al-Qur'an dan kitab suci orang Kristian tidak memberikan gambaran yang pasti mengenainya. Gambaran yang dirakamkan oleh Al-Qur'an dan Taurat hanya berkaitan dengan nabi Nuh (a.s) bersama kaumnya, kemudian Allah menimpakan azab kepada orang-orang kafir, sementara orang-orang yang beriman selamat daripadanya. Oleh itu, banjir yang terjadi pada masa Nuh (a.s), boleh jadi meliputi seluruh dunia dan mungkin juga hanya terjadi di satu kawasan yang didiami oleh Nuh (a.s) dengan kaumnya sahaja.

---


73 Ibid.
Penulis lebih cenderung untuk mengatakan bahawa banjir itu terjadi di kawasan yang didiami oleh Nuh (a.s) dan kaumnya sahaja, tidak meliputi seluruh dunia. Kerana tidak ada dalil yang pasti membuktikan bahawa manusia pada masa itu tersebar di merata dunia. Di samping itu Nuh (a.s) diutus Allah (s.w.t) hanya khusus kepada kaumnya, maka tidak mungkin Allah Ta'ala menimpakan azab ke atas orang-orang yang belum mendapat petunjuk daripada salah seorang Rasul-Nya, sebagaimana yang dinyatakan Allah dalam Al-Qur'an:

 وما كنا معذبين حتى نبعث رسولًا

Maksudnya:

"Dan Kami tidak akan menyiksa sebelum Kami mengutus seorang rasul" 74

3:11 KEUTAMAAAN NABI NUH (A.S)

Nabi Nuh (a.s) tercatat sebagai seorang nabi yang memiliki beberapa keistimewaan, di antaranya:

a. Baginda adalah nabi pertama yang membawa syariah untuk kaumnya.

b. Orang pertama yang menyeru kaumnya ke jalan Allah.

74QS. al-Isra' 17: 15.
c. Orang yang pertama membanteras perbuatan syirik.
d. Nabi pertama yang mendapat siksaan daripada umatnya kerana dakwah yang disampaikannya.
e. Kaumnya menerima azab atas permintaannya kepada Allah.
f. Seorang nabi yang paling panjang umurnya, bahkan ada yang mengatakan nabi Nuh a.s. adalah nabi yang paling besar tubuhnya.  
g. Mukjizatnya ialah umurnya yang panjang.
h. Umurnya yang panjang tetapi tidak berkurang satupun gigi dan kekuatan fizikalnya.
i. Seorang rasul yang paling berat menerima cubaan dalam berdakwah.
j. Seorang rasul yang mendakwah kaumnya siang dan malam secara sembunyi-sembunyi mahupun terang-terangan.
k. Nabi yang bergelar Ulu al-azm setelah Muhammad (s.a.w).
l. Seorang nabi yang diberi ilmu tentang perkapalan.
m. Seorang nabi yang bergelar Abdan Syakura (hamba yang bersyukur).